



U skladu s Odlukom o komunalnom redu (Sl.glasnik Općine zavidovići, broj: 3/2015 i 1/2017)
Općinski načelnik Zavidovići je donio Odluku broj:02-23-586/18 kojom se mjesec **April 2019.godine**
proglašava za

MJESEC ČISTOĆE

Pozivamo i obavještavamo sve građane i sva pravna lica općine Zavidovići da uzmu učešća u uređenju i održavanju jedine nam životne sredine. U tom smislu pozivamo vas da iskažete svoj osvešćeni duh spram održavanja zdrave sredine da bi imali zdravo društvo, a naročito zdrav naraštaj.

Vjerujemo da uređenje životne sredine neće nikome teško pasti jer je proljeće i vrijeme vraćanja života biljnom svijetu, bez kojeg nema života ni čovjeku. Pomozimo prirodi da bi ona nama višestruko vratila. Očistimo i uredimo sve zelene površine, dvorišta, vrtove i prostore koji pripadaju kolektivnim stambenim jedinicama i svim pravnim licima. Dajmo mali doprinos prirodi koja će zablistati svojom ljepotom pred čijim fenomenom niko ne ostaje ravnodušan, a to sve doprinosi poboljšanju života svakog živog bića.

Ujedno upozoravamo sva pravna i fizička lica odnosno sve građane na pridržavanje odredbi Odluke o komunalnom redu koje se odnose na obavezu čuvanja, održavanja i zaštite svih zelenih površina.

Slijedom toga odredbom člana 43. Odluke o komunalnom redu **na javnim zelenim površinama je zabranjeno uzgajanje voćaka i povrtnih biljaka i bilo kakvo njihovo obrađivanje u poljoprivredne svrhe, osim u vanrednim situacijama.**

Članovima 151.do153. iste Odluke propisano je da su **pravna i fizička lica dužna ograde uz javne površine redovno održavati, a dotrajale i neprikladne moraju ukloniti, da ograde zasadjene živicom se moraju uredno održavati i redovno orezivati i ne smiju zauzimati javnu saobraćajnu površinu, smetati prolaznicima i ometati saobraćaj.**

Zatim, **vlasnici odnosno korisnici zelenih površina uz stambene, poslovne i stambeno - poslovne objekte, neizgrađenih građevinskih zemljišta, livada, kao i drugih sličnih površina, moraju ih održavati na način da trava ne bude viša od 20 cm, uklanjati šikaru, orezivati živu ogradu, pljeviti grmlje, rezati suhe grane, uklanjati otpad i građevinski otpad, a vlasnici i korisnici površina na kojim se nalaze alergogene biljke (ambrozija, i slično), dužni su ih uklanjati redovno, do potpunog uništenja.**

Bitno je napomenuti da vrtove, voćnjake, dvorišta, livade i druge slične **površine koje pripadaju stambenom objektu, kao i neizgrađena građevinska zemljišta, a posebno uz javne površine, vlasnici odnosno korisnici moraju uredno održavati i obrađivati.**

Lijepo uređene bašte ispred ugostiteljskih objekata privlače pažnju prolaznika, a što član 154. i obavezuje vlasnike da vrtovi i drugi ograđeni prostori uz restorane i slične objekte moraju biti uređeni i ozelenjeni.

U slučaju nepoštivanja odredaba gore navedene Odluke predviđene su **novčane kazne u rasponu od 500,00 -3.000,00 KM za pravna lica, a od 50,00 -200,00 KM za građane odnosno fizička lica.**

Ovim putem vas obavještavamo da će u narednom periodu biti pojačan nadzor nad provođenjem odredaba ove Odluke od strane komunalne inspekcije i Višeg referenta za zaštitu okoline.